

SCRIPT OF EVENING GOJRI NEWS BULLETIN 8JULY 1700 HRS

ایویننگ گو جری نیوز بلیٹن مو رخہ 8 جولائی 2025

یوہ آکا شوانی جموں ہے محمد اشفاق تے نصرت تیں خبر سُنو۔

HEADLINES

۱۔ وزیر اعظم نریندر مودی نے کہیو جے اُن گو برازیل گو دورو متو فائدو مند ثابت ہو و بے تے عالمی رہنماواں سنگ اُن کی دوطرفہ ملاقات بکھ بکھ مُلکاں سنگ بھاری دوستی نانہہ فروغ دے گی۔

۲۔ لیفٹیننٹ گورنر منوج سنہا نے ک اج سرینگر مانہہ سیاحت بارے سیکرٹریاں سنگ ایک اجلاس گے دوران خطاب کرتا واں کہیو جے جموں کشمیر غی عوام سنگ رل غے دہشت گردی نانہہ ختم کرنو وے غو۔

۳۔ لیفٹیننٹ گورنر منوج سنہا نے ا ج جموں کشمیر مانہہ پردھان منتری ٹی بی مُکت بھارت ابھیان سکیم گا نفاذ بارے ایک جائیزہ میٹنگ کی۔

۴۔ شری امرناتھ جی یاترا غے پیش نظر 1 لکھ تیں زیادہ یاتری مقدس گپھا مانہہ درشن کرچکا ہیں تے اس تناظر مانہہ بالتال تے پہلگام دواں رستاں وریاترا بہتر طریقہ کارسنگ چل رہی ہے۔

۵۔ بھارتیہ حج کمیٹی نے 2026 گا عازمین حج واسطے درخواست طلب کی ہیں تے جس کی آخری تاریخ 31 جولائی 2025 ہے۔

PM BRAZIL VISIT

وزیر اعظم نریندر مودی نے کہیو جے اُن گو برازیل گو دورو متو فائدو مند ثابت ہو و بے ایک سماجی میڈیا پوسٹ مانہہ جناب مودی نے کہیو جے اُنہاں نے برازیل مانہہ منعقد کریا جارہا برکس اجلاس 2025 مانہہ بکھ بکھ معاملات ور غو و فکر کیو اُنہاں نے برازیل گا صدر تے اُت کی حکومت نانہہ برکس نانہہ مزید مضبوط بنان خاطر تے اُن کی برکس صدارت غے زریعے کیا گیا کماں کی وی تعریف کی اُنہاں نے مزید کہیو جے عالمی رہنماواں سنگ اُن کی دوطرفہ ملاقات بکھ بکھ مُلکاں سنگ بھاری دوستی نانہہ فروغ دے گی۔ واضح رہے جے برازیل مانہہ بھارتی سفیر دنیش بھاتیہ نے دسیو ہے جے توقع کی جارہی ہے جے دواں مُلکاں بشکار چار معاہداں ور دستخط کیا جیں گا۔

LG TOURISM MEET

لیفٹیننٹ گورنر منوج سنہا نے کہیو ہے جے ہم دہشت گردی گے خلاف سخت لانے عمل اختیار کر رہیا ہاں تے جموں کشمیر مانہہ امن خوشحالی تے اس درخشاں مستقبل خاطر کم کریاں وے ا ج سرینگر مانہہ سیاحت بارے سیکرٹریاں سنگ ایک اجلاس گے دوران خطاب کرتا واں بول رہیا تھا اُنہاں نے کہیو جے حفاظتی دستہ دہشت گردی خلاف لڑ رہیا تے سماج نانہہ وی اپنو کردار ادا کرنو وے گو اُن گو مزید کہنو تھو جے جموں کشمیر عوام گو پاکستان پناہی دہشتگرداں خلاف احتجاج کرنو وادی مانہہ امن کی بہترین نشانی ہے۔ ایل جی موصوف نے کہیو جے جموں کشمیر عوام نانہہ دہشت گردی خلاف اپنو کردار پیش کرنو چاہیے اس بارے گل کرتا واں اُنہاں نے اس طرح کہیو۔

LG TB MUKT

لیفٹیننٹ گورنر منوج سنہا نے اج ضلع ترقیاتی کمشنراں سے صحت بارے رہنماواں سنگ جموں کشمیر مانہہ پردھان منتری ٹی بی مکت بھارت ابھیان سکیم گا نفاذ بارے ایک جائیزہ میٹنگ کی۔ صدارت کی انہاں نے اس گل ور زور دتو جے بکھ بکھ میڈیا پلیٹ فارم گے ذریعے ٹی بی بارے بیداری مہم نانہہ آجاگر کرنو چاہیے انہاں نے مزید کی وجے صحت بارے محکمہ سے دیگر عوام نانہہ ٹی بی نانہہ جموں کشمیر توں ختم کرن واسطے مجموعی طریقہ کار سنگ کم کرنو وے گو۔ تے صحت بارے محکو ٹی بی مخالف اپنی کوششاں نانہہ یقینی بناوے۔

UDH AMBULANCE

جموں کشمیر بینک نے اپنی کارپوریٹ سوشل رسپنسبیلٹی سکیم غے تحت گورنمنٹ طبی کالج ادھمپور نانہہ ایک جدید ایمبولینس عیبہ کی بے جس غو مقصد علاقہ مانہہ صحت غا شعبہ نانہہ بہتر بنانو بے۔ ڈپٹی کمشنر سلونی رائے نے دور دراز علاقوں گا مریضاں واسطے ایمبولینس غی کمی نانہہ مد نظر رکھتا واں بینک غی اس کوشش نانہہ سہرايو۔ جے کے بینک غی دیگر سی ایس آر سرگرمیاں مانہہ ایمبولینس طبی سامان تے اسپتال نانہہ ضروری سامان فراہم کرنو شامل بے جس تیں مریضاں گی دیکھ بھال غا معیار مانہہ بہتری آوے گی۔ اس قدم نانہہ سہراتا واں ڈی سی ادھمپور سلونی رائے نے اس طرح کہیو۔

BAL PURUSKAR

بھارتی حکومت نے پردھان منتری راشٹریہ بال پورسکار 2025 واسطے نامزدگی غی دعوت دتی بے یوہ اعزاز 5 تیں 18 سال غا بچاں نانہہ بہادری سماجی خدمت ماحولیات کھیل فن او ثقافت یا سائنس او ٹیکنالوجی گا شعباں مانہہ نمایا کارکردگی ور دتو جے۔ اگر تم کسی وی ایسا بچہ نانہہ جانیں تے فوراً اس گو نامزد کریں اندراج واسطے

ور جیں تے داخلو 31 جولائی 2025 تیں پہلاں جمع کرائیں تے <http://awards.gov.in> ملک غا ہونہار بچاں نانہہ ان غی قابلیت غو صیح مقام دوان مانہہ مارو ساتھ دیں۔

AMARNATH YATRA

سالانہ شری امرناتھ جی یاترا جہڑی اس ماہ غی 3 تاریخ تیں شروع ہونی تھی پہلگام تے بالٹال گا دواں رستان تیں خوش سلوبی تے سکون غے نال جاری بے خوشی تے جوش غا ماہول مانہہ بن توڑی 1 لکھ تیں زیادہ یاتری مقدس گپھا مانہہ درشن کرچکا ہیں پیش بے اس بارا مانہہ مارا نامہ نگار غی یاہ رپوٹ۔ اج سویرے 7 واں قافلہ مانہہ 7541 یاتری جن مانہہ مرد خواتین بچہ سادھو تے سادھوی شامل تھا 309 گڈیاں مانہہ ۲ الگ الگ قافلاں غی صورت مانہہ جموں غا بھگوتی نگر بنیادی کیمپ تیں روانہ ہوا ہیں۔

HAJJ APPLICATION

بھارتیہ حج کمیٹی نے 2026 مانہہ حج ور جان آلا حجاج اکرام واسطے ایپلیکیشن جمع کرن گو عمل کھول دتو گیو بے اس سلسلہ مانہہ عازمین حج اپنی درخواست حج پورٹل غے ذریعے یا حج سویدا موبائل ایپلیکیشن ور اپنی <http://hajjcommittee.gov.in> اس ویب سائٹ درخواست آن لائن جمع کرسکیں۔ واضع رہ جے یوہ حج سویدا موبائل ایپ انڈائیڈ تے آئی فون استعمال کرن آلاں افراد واسطے وی دستیاب بے یاد رہ جے یاہ آن لائن ایپلیکیشن

ونڈو 7 جولائی 2025 توں 31 جولائی 2025 توڑی کھلی رے گی۔ کمیٹی نے عازمین حج نانہ اپیل کی ہے جے وے درخواست جمع کرن توں پہلا تمام ضروری معلومات نانہ دھیان نال پڑھ لیں تانجے فارم مانہ کائے وی کسے قسم کی رکاوت نہ آنے۔ تے واضع رہ جے اس سلسلہ مانہ مشین ور پڑھیو جاسکن آلو بھارتی بین الاقوامی پاسپورٹ گو ہونو ضروری تے اس پاسپورٹ کی آخری تاریخ کم از کم 31 دسمبر 2026 تک ہونی چاہیے۔

MISSION YUVA

ڈپٹی کمشنر جموں سشن کمار نے اج ڈی سی آفس مانہ مشن یووا سکیم غے تحت 6 مستفیدان نانہ منظوری غا خطوط تقسیم کیا۔ یا سکیم نوجوانان نانہ اپنا کاروبار شروع کرن واسطے 5 لکھ روپیہ توڑی غو سود تیں بغیر تے بغیر کسی ضمانت غے قرض فراہم کرے ڈی سی سچن کمار ویشیا نے دسیو کہ ہن توڑی 34 افراد نانہ منظوری دے دتی گئی ہے تے ضلع بھر مانہ آگاہی مہم جاری ہے 10 براں مانہ 10 نوکری پیدا کرن غا ہدف سنگ یا سکیم ایک بڑی مثبت تبدیلی لیا رہی ہے۔ اس موقعور گل کرتا واں ڈی سی جموں نے اس طرح کہیو۔

FIRE POONCH

اج سویرے پونچھ مانہ چیف تعلیمی دفتر غا احاطہ مانہ واقع سمگر سٹور مانہ زبردست آگ لگ گئی جس غا نتیجہ مانہ اہم ریکارڈ سرکاری دستاویزات تے تعلیمی کتاباں نانہ شدید نقصان پُجیو ہے موقع ور موجود افراد غے مطابق سٹور مانہ اچانک آگ بڑھک اُٹھی تے دیکھتے ہی دیکھتے آگ نے اپنی لپیٹ مانہ فائلاں تے دیگر سامان نانہ لے لیا۔ آگ بُجان آلی گڈی نے موقع ور پُج غے 1 گھنٹہ غی محنت تیں بعد آگ ور قابو پالیو۔ تے کئی اہم تعلیمی ریکارڈ تے کتاب مکمل طورور جل غے فنا ہو گئی ہیں۔

SPORTS MINISTER FOOTBALL

وادی کشمیر مانہ کھیڈاں نانہ فروغ دین واسطے ایک اہم قدم غا طور ور کھیڈاں غا وزیر ستیش شرما نے اج کشمیر سپر فٹ بال لیگ 2025 غو آغاز کیو۔ اس موقعور مقابلہ واسطے انعام مانہ دتی جان آلی ٹرافی سب غے سامنے پیش کی گئی تے ٹیمان نانہ سرکاری ور دی دتی گئیں۔ تقریب مانہ کھیڈاں غا افسران، پُرانا فٹ بال کھیڈاری تے نوجوانان نے جوش و خروش تیں حصو لیووزیر موصوف نے کہیو کہ کھیڈ نوجوانان نانہ نشہ جیسی بُری چیزان تیں دور رکھن غو ایک بہتر ین زریعو ہے تے حکومت کھیڈاں گا میدان تے کھیڈاں غی سہولت نانہ بہتر بنان واسطے پُر عزم ہے۔ اس لیگ مانہ کل 6 ٹیم حصو لیں غی تے یوہ مقابلو جموں کشمیر غابنر اتحاد تے کھیڈاں غی شاندار روایت نانہ سران غو ایک برو موقعو ہے۔
